


Bibiliya y' Abana

Ishikirije



Ijuru,
Aheza mu
Nzu
y'Imana



Yanditswe na: Edward Hughes
Amashusho ashirwamwo na: Lazarus

Isobanurwa mu Kirundi na: Rémy Christian NTIRURIKURE
Itunganywa na: Sarah S.

Inkuru 60 kuri 60

www.M1914.org

Bible for Children, PO Box 3, Winnipeg, MB R3C 2G1 Canada

Uburenganzira: Murafise uburenganzira bwo kwimura canke gusohora ku mpapuro iyi nkuru mugihe gusa mutayigurisha.

Ikirundi

Kirundi

Igihe Yesu yaba kw'isi, yabwiye abigishwa biwe ivyerekeye Ijuru. Yaryita "Mu Nzu kwa Data", araheza ababwira ngo hari amazu menshi. Urugo runini ruba rugizwe n'amazu menshi meza. Ijuru ni rinini kandi ni ryiza gusumba inzu zose zo mw'isi.



1

Yesu aravuga, "Ngiye kubategurira ahanyu. kandi ko ngiye kubategurira ahanyu, nzogaruka kubajana iwanje."




2

Yesu yagiye mw'Ijuru, inyuma y'aho azutse mu bapfuye. Igihe abigishwa Biwe bariko baramuraba, Yesu yurizwa mu kirere, hanyuma igicu kiramwakira gushika aho batakimubona.



3


Kuva ico gihe, Abakristo baribuka isezerano rya Yesu ko azogaruka kandi akabajana. Yesu yaravuze ko azogaruka giturumbuka, igihe ata n'umwe amwiteze. Mbega ni gute ku Bakristo bapfa imbere y'uko agaruka? Bibiliya ivuga ko bagenda ubwo nyene kubana na Yesu. Kuba utari mu mubiri ni ukuba uri kumwe n'Umwami.



Kuba kumwe
n'Umwami


4

Ivyahishuriwe Yohana, igitabo ca nyuma ca Bibiliya, kitubwira ingene Ijuru ari igitangaza. Ikintu gitangaje gusumba ibindi ni ico, mu buryo butangaje, Ijuru ni i nzu y'Imana. Imana iri hose, ariko Inganji yayo iri mw'Ijuru.




5

Abamarayika n'ibindi vyaremwe vyo mw'Ijuru bihimbaza Imana. Niko n'abantu bose b'Imana bapfuye bakaja mw'ijuru bagira. Baririmba indirimbo zidasanzwe z'amashimwe y'Imana. N'aya majambo amwe amwe ava mu ndirimbo imwe baririmba:




6

BIRAKUBEREYE
KWABIRA IGITABO,
NO KUMENA
IBIKIMATANIJE
KUKO WISHWE, ...




7

... UGACUNGURIRA IMANA ABO
MU MIRYANGO YOSE NO MU
NDIMI ZOSE NO MU MOKO
YOSE NO MU MAHANGA
YOSE UBACUNGUJE
AMARASO Yawe.
(Ivyahishuriwe
yohana 5:9)




8

Impapuro za nyuma zihereza za Bibiliya zivuga Ijuru nka "Yerusalemu Nshasha". Ni igisagara kinini, kinini cane, n'uruhome rurerure hanze. Urwo ruhome rukozwe n'ibuye ry'agaciro rya Yasipi, rikayangana nk'akabuyenge.



9

Ibitako hamwe n'amabuye y'agaciro niyo afutse umushinge w'urwo ruhome, ukakaka n'amagarwe y'igitangaza. Irempo ryose ry'igisagara rigizwe n'urudede runini vy'igitangaza!



10

Ayo marembo manini akozwe mu ndede ntiyigera yugarwa. Reka twinjire turabe impande n'impande ... Yoo!




11

Ijuru ni ryiza cane n'imbere. Igisagara gikozwe mu nzahabu z'umwakaka, nk'iciroro ciza. Ndetse n'amabarabara akozwe mu nzahabu.




12

Umugezi w'amazi meza y'umugarara kandi y'ubugingo atemba ava ku ntebe y'Inganji y'Imana. Ku mpande imwe y'umugezi hari igiti c'ubugingo, ca giti caboneka mw'ishamba rya Edeni. Iki giti ni igiti kidasanzwe. Cama ivyamwa cumi na bibiri bitandukanye, buri kwezi icamwa gitandukanye. Kandi amababi y'ico giti ni ayo gukiza amahanga.




13

Ijuru ntrikeneye izuba canke ukwezi kubw'umuco. Ubwiza bw'Imana bwonyene burahuzuzwa umuco w'igitangaza. Nta joro ryigera rihaba aho.



14


Ndetse n'ibikoko aho mw'ijuru biratandukanye. Vyose birahuza kandi biracuditse. Idubu n'imyagazi y'intama birisha ubwatsi hamwe. Mbere n'intambwe zihambaye zirisha umukenkekenke nk'impfizi. UHORAHO aravuga ati, "Ntibizokomeretsanya canke ngo vyice ku Musozi Wanje wera."



15

Turiko turaraba impande n'impande, tubona hari ibintu tutabona mw'ijuru. Nta majambo yo kuraka yigera yumvikana.


Nta n'umwe agwana n'uwundi canke abe ingunge.



16

Nta magufuri ku miryango, kuko nta bambuzi mw'Ijuru. Nta babeshi, nta bicanyi, nta barozi, canke abandi bantu b'abanyakibi.

Nta caha na kimwe c'ubwoko ubwo ari bwo bwose mw'ijuru.



17

Mw'ijuru hamwe n'Imana ntagusubira kurira. Rimwe na rimwe, abantu b'Imana barira kubera imibabaro ikomeye mu buzima. Mw'Ijuru, Imana izohanagura amarira yose.



18

Nta n'urupfu mw'Ijuru. Abantu b'Imana bazokwamana n'Umwami ibihe bidashira. Nta mubabaro uzobaho kandi, nta marira azobaho kandi, nta kubabazwa bizobaho.




19

Nta ngwara, nta gutandukana, nta maziko. Umuntu wese mw'Ijuru azonezererwa hamwe n'Imana ibihe bidashira.




20

Iciza hejuru ya vyose, Ijuru n' iry'abana bose (hamwe n'abakuze nabo nyene) bizeye Yesu Kristo nk'Umukiza wabo bakongera bakamwumvira nk'Umwami wabo.



21

Mw'ijuru hariho igitabu citwa Igitabo c'Ubugingo c'Umwagazi w'Intama. Cuzuye amazina y'abantu. Mbega murazi amazina yanditswemwo? Abantu bose bashize ukwizera kwabo muri Yesu. Mbega izina ryawe ryanditswemwo?



22

Amajambo ahereza muri Bibiliya yerekeye Ijuru ni ubutumire bw'igitangaza.



23

"Hanyuma mpwemu n'umugeni baravuga, 'ingo!' Kandi reka uwuri n'amatwi avuge ati, 'ingo!' Kandi reka uwufise inyota aze. Kandi uwifuzza wese, reka anywe ku mazi y'ubugingo ku buntu."



24

Ijuru, Aheza mu Nzu y'Imana

Inkuru ivuye mw'Ijambo ry'Imana, Bibiliya

tuyisanga muri

Yohana 14; 2 Korinto 5;
Ivyahishuriwe 4, 21, 22

"Guhishurirwa amajambo yawe kuzana umuco, guha abatungu ubwenge." Zaburi 119:130

Imana irazi ko twakoze ibibi, ivyo yita icaha. Igihano c, icaha ni urupfu.

Imana iradukunda cane yarungitse umwana wayo, Yesu, gupfa ku musalaba hama ariha igihano cacu. Yesu yasubiye kuba muzima hama asubira mw'ijuru. Ubu rero Imana ishobora kudukurira ivyaha vyacu.

Ushaka kuva mu vyaha, bwira ibi Imana: Mana nziza, Ndizera ko Yesu yapfuye ku bwanje ubu akaba ari muzima. Rero ingo mu buzima bwanje uharire ivyaha vyanje, kugira ubu ngire ubuzima bushasha, hama nze mbane na we ibihe bidashira. Mfasha kubaho ku bwawe nk'umwana wawe. Amen. Yohana 3:16

Soma bibiliya hama uvugane n'Imana iminsi yose.